

**“Bide publikoan terrazak jartzea arautzen duen udal ordenantza”
aldatu baino lehen, aurretiko kontsulta publikoa egiteko iragarkia**

Administrazio Publikoen Administrazio Prozedura Erkideari buruzko urriaren 1eko 39/2015 Legeak hainbat berrikuntza ekarri ditu legeak eta erregelamenduak idazteko orduan; besteak beste, jaso egin beharko da zer iritzi duten horri buruz etorkizuneko arauak uki ditzakeen subjektuek eta antolakunderik ordezkagarriek.

Administrazio Publikoen Administrazio Prozedura Erkideari buruzko urriaren 1eko 39/2015 Legeak, 133. artikuluan, honako hau xedatzen du:

“1.- Legearen edo erregelamenduaren proiektua edo aurreproiektua prestatu baino lehen, kontsulta publiko bat bideratuko da administrazio eskudunaren webgunearen bitartez, eta jasoko da zer iritzi duten etorkizuneko arauak uki ditzakeen subjektuek eta antolakunderik ordezkagarriek puntu hauei buruz:

- a) Ekimenaren bitartez konpondu nahi diren arazoak.*
- b) Arau hori onestea, beharrezko eta egoki den.*
- c) Arauaren helburuak.*
- d) Izan litezkeen bestelako aukera erregulatzaille eta ez-erregulatzailleak.”*

Begarako Udalaren asmoa da “*Bide publikoan terrazak jartzea arautzen duen udal ordenantza*” aldatzea.

39/2015 Legean zehaztutako prozedura betetzeko asmoz, udalak erabaki du “*Bide publikoan terrazak jartzea arautzen duen udal ordenantza*”ren aldaketa onartu baino lehen, horri buruzko aurretiko kontsulta publiko bat egitea.

Horrenbestez, egoki irizten duten herritarrek, erakundeek edo elkarteek parte hartu ahal izango dute, beraien ekarpenak aurkeztuz **2020ko otsailaren 9ra arte**, bi bide hauetatik edozein erabilita:

- Posta elektronikoa erabiliz, postontzi honetara bidalita: idezkaritza@bergara.eus
- Iradokizunak Udaleko Erregistro Nagusian aurkeztuz (San Martin Agirre plaza 1).

EKIMEN HONEN BITARTEZ KONPONDU NAHI DIREN ARAZOAK

Begarako udalean indarrean dagoen “*Bide publikoan terrazak jartzea arautzen duen udal ordenantza*”k ez dio erantzuten hainbat egoeratan udalak aplikatu nahiko lukeen malgutasuna dela-eta egoerek eskatzen duten salbuespen edo aplikazio berezien beharrari.

ORDENANTZAREN ALDAKETA ONARTZEKO BEHARRA ETA EGOKITASUNA

Ez da lehen aldia ordenantzan jasotako okupazioaren inguruko arauak modu flexiblean edo salbuespen puntualak aplikatzeko beharra izan dela eta ezinean aurkitu dela udala.

Salbuespena izanda ere, aldaketa-premia dator COVID-19ak merkataritza-jardueretan eta bereziki ostalaritzan eragin duen krisia dela-eta jardueren moldaketarako premiatik.

Kasu honetan ez da ahaztu behar ostalaritzaren moldaketa-premia horrek herritarren osasunaren segurtasun edo prebentziorako neurri bereziei erantzuten diela, ahaztu

gabe ere gure gizartearen harremanetarako guneak direla taberna-inguruak modu oso zabalean.

Horregatik ere, eta Euskal Herriak duen eguraldi edo klimak ere eskatzen du orain arte debekatuak ziren toldope edo antzeko instalazioak baimentzea, betiere, hori bai, herritar denen interes eta eskubideen arteko oreka bilatuz.

Eta horregatik ere, terrazen ordutegietan ere, salbuespen-moldaketak egiteko aukera aurreikustea nahi da eta horretarako moldaketa egin nahi da ordenantzan, beti salbuespen edo ezohiko behar puntualetarako.

ORDENANTZAREN ALDAKETAREN HELBURUAK

Ordenantza honetan egingo den aldaketa hau izango da:

23. artikulua erantsiko da

1.- Udalak, Tokiko Gobernu Batzarraren erabaki bidez, ordenantza honetan jasotakoetan salbuespenak aplikatzeko aukera izango du, baita ordenantzaren aurka joanda ere.

Betiere salbuespen moduan, ordenantza-eduki batzuk ez aplikatzeko baimena eman ahal izango du, bai eta ordenantzaren artikuluetan jasotzen ez diren arau edo aspektu batzuk aplikatzeko baimena eman ere, edo, are gehiago, ordenantzarekin kontraesanean dauden alderdiak aplikatzeko baimena ere eman.

Salbuespen horiek ezohiko egoerei edo premia edo behar puntualei erantzungo diete (jaiak...), justifikatuta hartuko dira eta ezingo dute inoiz salbuespen-izaera galdu.

Edozein salbuespen aplikatu ahal izateko baimenak ez du eskubiderik sortuko salbuespen hori behin eta berriz errepikatzeko. Egiaztatzen bada onargarri ez diren eragozpenak edo hirugarrenenganako kalteak eragin direla, edo justifikagarritzat jotzen den beste edozein arrazoiren bat egonez gero, ordenantza jatorrizko zorrotzasun osoz aplikatu beharko da.

2.- Salbuespenak onartzeko arrazoia edo denbora pasatu denean, bertan behera geldituko dira automatikoki, erabaki baten premiarik gabe, eta ordenantzaren aplikazio zorrotzari ekingo diote okupazioaren baimendunek.

Salbuespenak aplikatzen jarraitzen badituzte, falta oso larritzat hartuko da, eta bide publikoaren okupazioa berehala bertan behera uzteko agindua emango da.

EGON DAITEZKEEN BESTELAKO AUKERA ERREGULATZAILEAK EDO EZ-ERREGULATZAILEAK

Ez da aurreikusi bestelako aukera erregulatzailerik.

Argitaratze-data: 2021/01/25